

Suspendovanje telefonske linije za prijavu slucajeva dvostrukog zauzimanja stambenih jedinica

U saglasnosti i na osnovu konsultacija s ostalim medjunarodnim organizacijama, Ured Visokog predstavnika (Jug) zelio bi obavijestiti da će od danas telefonska linija za prijavu slucajeva dvostrukog koristenja stambenih jedinica u Mostaru biti do dalnjeg suspendovana.

Razlozi suspenzije su sljedeci:

Do danas je primljeno preko 1300 poziva/prijava slucajeva navodnog dvostrukog koristenja. Od toga broja, do sada ih je istrazeno oko 300: 253 slučaja su potvrđena, a 40 ih je riješeno. Preko 1000 slucajeva još uvek treba ispitati. Broj riješenih slucajeva izuzetno je nizak, a napredak u rjesavanju ovih slucajeva i nadalje je razocaravajuce spor.

Takodje smo iznimno razocarani stavom nekih od Opcinskih stambenih ureda u Mostara prema ovoj telefonskoj liniji – djelatnici na funkcijama u organima vlasti cesto izbjegavaju svoje vlastite odgovornosti, a telefonsku su liniju koristili kako bi preusmjerili razne vrste zahtjeva ka medjunarodnoj zajednici. Kao rezultat toga, sistem primanja zahtjeva za rjesavanjem dvostrukog zauzeca blokiran je pozivima druge prirode.

Voljeli bismo prvo vidjeti razrjesenje do sada prijavljenih slucajeva prije nego sto se razmotri ponovno otvaranje linije. To će zahtijevati znatno veci napor od strane Opcinskih stambenih ureda koji još uvek ne dobijaju odgovarajuću podršku od svojih načelnika općina u pogledu sredstava i

osoblja za rad ili političke podrske.

Što se tice Komisije za ispitivanje slučajeva dvostrukog zauzimanja imovine, istraža do sada prijavljenih slučajeva nastavice se dosadasnjim tempom, što je oko 15 slučajeva sedmice – međutim, mora se naglasiti da osim ove procedure, Općinski stambeni odjeli svakako imaju obavezu obraditi i rjesiti SVE zahtjeve za povratom imovine u okviru pravnih rokova. Oni NE MORAJU cekati na Komisiju za ispitivanje slučajeva dvostrukog zauzimanja da istraže prijavljeni slučaj kako bi ga rjesili.

U međuvremenu, ako zelite prijaviti slučaj dvostrukog zauzimanja imovine, trebali biste se obratiti nadležnom Općinskom stambenom uredu. Nadalje, ako ste vec ranije prijavili svoj slučaj, ali biste zeljeli priloziti nove informacije, takodje biste se trebali obratiti nadležnom Općinskom stambenom uredu.